



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Ioannis Cochläei De Actis Et Scriptis Martini Lvtheri Saxonis

Cochlaeus, Johannes

Parisiis, 1565

Generosissimo Ac Illvstrissimo Principi Ac Domino Domino Herculi Estensi,
Duci Ferrariae, ...

urn:nbn:de:hbz:466:1-29789

3

GENEROSISSI-
MO AC ILLUSTRIS-
SIMO PRINCIPI AC DOMINO
Domino Herculi Estensi, Duci Ferrariae &c. Domino suo Clementissimo, Ioannes Cochleus Germanus, Canonicus Cathedralis Ecclesiae Vratislaviensis.

S. P. D.

GENEROSISSIME Acillu-
strissime Princeps, Domine Cle-
mentissime, Quum ego ante an-
nos XXXII. Ferrariae, in am-
pla & pulcherrima vrbe tua, ea-
que natura & arte situque muni-
tissima, & fertilitate soli, aedificiorumque ampli-
tudine & ornatu, atque platearum latitudine &
mundicia, hortorumque amenitate ac prae-
fluentis Padi, Clarissimi Italiae fluminis, com-
moditatibus foelicissima: in studio sacrarum
literarum, a Magistris Almae facultatis Theolo-
gicae, sub consueto examinis rigore, Doctoratus
insignia consecutus fuerim, Dum Martini Lu-
theri nomen, non solum Italiae, sed Germaniae
ā ij

quoque prorsus adhuc incognitum esset: Paulo post vero, repente nouæ doctrinæ fama & contradicendi audacia diuulgari cœpit, & sub prætextu corrigendorum abusuum, præsertim Romanæ Curia, Indulgentiarum, & variarum conquirendæ pecuniæ adinventionum, sibi fauorē Laicorum & desertorum hominū: Odium verò Cleri & Monachorum, conciliauit. Cum igitur studii mei insignia debeam, & accepta referam Clarissimæ Vniuersitatis Ferrariensis Almæ facultati Theologicæ, non puto me honestius aut iustius hunc laborem meum, vlli nuncupare Principi aut Patrono posse, quam Clarissimo Nomini tuæ Illustrissimæ Celsitudinis. Quod vt clementer in bonam partem accipias, humiliter oro ac supplico. Scripsi & pia intentione & bona fide hanc historiam, in qua referuntur verba propria multorum ac magnorum virorum. Ex quibus varia de Lutheri doctrina, eiusque audacibus cœptis, scriptisque & Actis, referuntur iudicia. De quibus lectori sententiam & censuram relinquo. Mihi curæ fuit sub veritatis compedio ista referre, vt & præsens sæculū intelligat, quā lōge à scopo Euangelicæ doctrinæ & ab obedientia debito, atque ab vnitæ Ecclesiæ, contra legem Charitatis, & contra certissima Christi & Paulieius Apostoli monita, egerint, scripserint que & prædicauerint Lutherus & complices eius, qui ne fatiis conatib⁹ & machinationib⁹ suis, sine omni emendationis fructu, totum cōturbauerunt mundum diffidiis, & dubitationibus
scanda-

scandalosissimis in fide & religione Christiana.
Christus abiturus ex hoc mundo ad Patrem, dicebat discipulis suis. Pacem relinquo vobis : pacem meam do vobis. Lutherus contra minacissimi me dixit Summo Pontifici & vniuerso Clero. Nec viuis, neque mortuis, pacem vobis relinquam. Quod, proh dolor, nimis vere factis ipsis comprobauit hactenus per xxx. annos & ultra: Quandoquidem non solum Clero, sed Laicis quoque & toti Ro. Imperio, pacem abstulit, & periculosissimas Religionis & Reipub. discordias post se reliquit. Faxit Deus Opt. Max. vt pacem suam nobis reddat tandem, vt iterum vere dici & scribi possit : Multitudinis credentium erat cor vnum, & anima vna. Boni consulat, precor, Clementia tua, Illustrissime Princeps, quod au sim sub Illustr. Celsitudinis tuae nominis splendore ac patrocinio, hoc quaecunque veritatis testimoniū in lucem proferre: vt & ii, qui super sunt, ex his scriptis aut gratulentur, & Deo gratias agant, quod alieni ab hisce nouitatibus & dissidiis, per gratiam Dei à Catholica & Apostolica, fide non defecerunt: Aut intelligant, atque humiliter recognoscant alii, qui temere, relicta Ecclesiae pace & vnitatem, atque sanctorum Patrum et maiorum nostrorum fide, nouis sectis hactenus adhaeserunt: quanta in pericula precipitauerint animas suas, dum legerint ex hoc libro, quam incerta sint sectarum fundamenta super quibus non solum ab ecclesia, sed etiam à seipsis dissident, & se inuicem condemnant:

Et pia posteritas discat hęc, huiusmodi nouis di-
 sidiis in tempore ac statim resistere, & vulpecu-
 las capere, dum paruę sunt, antequam
 inualecant, & seditionibus
 auctę, sine magna clade aut
 calamitate capi non pos-
 sit: Iuxta illud
 Ouidii.

*Principiis obsta, sero medicina
 paratur.*

Bene valeat Amplissima & Illustrissima Celsitu-
 do tua, Domine Clementissime, Duxque Clarif-
 sime, in Domino Iesu Salvatore nostro.

*FRAGMENTVM EX LI-
 teris Theologorum Vniuersitatis
 Ferrariensis, super promotione
 D. Ioannis Cochläi.*